

DISSERTATIO INAUGVRALIS MEDICA
DE
**MELANCHOLIA
HYSTERICA,**

QVAM
DEO T. O. M. CLEMENTISSIME ANNVENTE,
MAGNIFICO VNIVERSITATIS RECTORE
ET PRO - CANCELLARIO,

REVERENDISSIMO ET PER - ILLVSTRI DOMINO,
DOMINO

**CHRISTOPHORO IGNATIO
DE GVDENVVS,**

EPISCOPO ANEMORIENSI,

NENTISS. ARCHI-EPISCOPI ET PRINC. ELECT. MOGVNT. PER THVRINGIAM,
SIAM ET EICHSFELDIAM IN PONTIFICALIBVS VICARIO GENERALI, CON-
ECCLES. SVFFRAGANEO ET SIGILLIFERO ERFORDIENSI, J. V. D. INSIGN.

ECCLES. COLLEG. AD S. SEVER. CAN. CAP. ET SCHOLAST.

NSENSV ET AVTORITATE INCLYTÆ ET GRATIOSÆ
FACVLTATIS MEDICÆ IN ALMA HIERANA

SVB PRÆSIDIO

N. JOANNIS FRIDERICI DEPRE,

PHILOSOPHIÆ ET MEDICINÆ DOCTORIS,

NENTISSIMI ELECTORIS MOGVNTINI CONSIL. AVLICI ET ARCHIATRI,
NAT. BOTAN. ET CHIRVRG. PROF. PVBL. FACVLT. MED. ASSESS. ORD.

n. n. CIVIT. ERFORD. SENAT.

PATRONI ATQVE PROMOTORIS SVI COLENDISSIMI,

PRO LICENTIA

VPREMOS IN MEDICINA HONORES ET PRIVILEGIA
DOCTORALIA LEGITIME OBTINENDI,

PVBlico ERVDITORVM EXAMINI SVBJICIET

AVTOR ET RESPONDENS

H. FRIDERICVS CLEMENS, Islebio - Mansfeld.

Med. Pract. Sangerhus.

DIE XII. APRILIS ANNI M DCC XXVII.

IN AVDITORIO MAJORI COLLEGII MAJORIS HORIS CONSVETIS.

ERFORDIÆ, Typis GROSCHIANIS, Acad. Typogr.

DISSERTATIO IN VAGANTIS MEDICA

DE

ANOMALIA HISTORICA

AVCTORE
FRANCISCO ANTONIO
DE MORAES
MEDICO

INSTITUTIONES DE GADENIS

AVCTORE
FRANCISCO ANTONIO
DE MORAES
MEDICO

JOANNIS BRUNNII DE DE

AVCTORE
FRANCISCO ANTONIO
DE MORAES
MEDICO

DE DE

AVCTORE
FRANCISCO ANTONIO
DE MORAES
MEDICO

DE DE

AVCTORE
FRANCISCO ANTONIO
DE MORAES
MEDICO

DE DE



PROÆMIUM.



Sanitatem & integritatem corporis nostri ab animi vitæque Tranquillitate multum dependere, & fere unice sustentari, nemo forsitan credo, præprimis ex prudentioribus in dubium vocabit: Cum enim, jubente ita Supremo Numine, tanta & tam exquisita inter corpus & animum nostrum intercedat Harmonia, ut mores & inclinationes hujus ad progressum motuum vitalium, & corpus conservantium maximam partem componantur, mirum haud est, quod reciproco plane modo alterationes mentis ultra gradum naturalem, & ordinarium contingentes, sanitatem nostram vel nimium quantum turbent, atque concutiant, vel etiam liberius promoveant, atque restituant, pro varia nimirum tam commotionis atque activitatis & energiae, quam corporis ipsius constitutione. Quare etiam ad hunc usque diem strictam, & antiquam illam legem in corpore nostro observamus, ut quotiescunque motus isti vitales vel nimium intenduntur, & augentur, vel præter solitum remittuntur, & debilitantur, imo exsolutis tandem viribus plane cessant, toties quoque mens ipsa accura-

za quadam proportione ad has motuum alterationes, & vicissitudines, conturbetur; & hinc ex usu non tam medico, quam harum rerum communi optime elucescit, quod graviora quaecunque corporis mala & pathemata ut plurimum quoque diversos, & satis graves in animo excitent errores, illumque haud raro in totum confundant atque pervertant.

Possẽm equidem assertum hocce exemplis illustrando, & confirmando in amplissimum campum excurrere, aut plane evagari, si prolixitatis studiosus essem, aut veritatem istam multis speciminibus, atque observationibus roborandam esse crederem, quoniam innumera fere prostant genera deliriorum phreniticorum, maniacorum, melancholicorum, aliorumque mitiorum, pariter ac vehementiorum, quæ modo ob febres, modo ob stases inflammatorias humorum, modo etiam ob difficilem eorundem per vasa, & viscera nobiliora transitum, aliaque vel motuum vel humorum vitia excitantur, & causantur; ast lubens talia nunc omitto, quoniam eadem per experientiam satis superque jam jam constant, & sensus, atque usus communis cuilibet in hoc negotio veritatem luce meridiana clariorem facile demonstrant, ut propterea neminem extitutum fore, certo confidam, qui non veram, & solidam hanc cognitionem de alterationibus facultatum Animæ, earumque turbis, & confusionibus a morbis & lesionibus corporis, ejusque partium nobiliorum dependentibus, Medico summe necessariam, ac utilem judicaverit.

Et hanc quoque ob causam in præsentiarum speciale quoddam exemplar turbationis actionum moralium a prægressis causis, & pathematibus materialibus introductæ in MELANCHOLIA HYSTERICA loco Speciminis Inauguralis L. B. sistere mecum decrevi, quoniam hæc species de-

lirii in maribus equidem alias pariter haud infrequens, foemineum genus tanquam debile, impotens, & temperamenti ratione magis lubricum, semper gravius, atque diutius affligit, adeoque sic jure meritoque majorem in cura attentionem, ac diligentiam exposcit.

TV vero DEVS T. O. M! spiritu scientiarum ac letitiarum animum meum, uti supplicibus imploro precibus, adimple & exhilara, simulque rationem meam tenuem ab illusionibus quibuscunque melancholicis, aut saltem credulis, absurdis, atque vanis clementissime præserva, ut cuncta hæc in immensam TVI gloriam, proximi emolumentum, mei que salutem cedere queant.

§. I.

MELANCHOLIÆ vocabulum equidem *in Foro Medico* diversimode accipitur, & modo *de substantia* usurpatur, sicque certum quendam inter Veteres præprimis maxime decantatum humorem tam naturalem, quam præternaturalem designat; modo etiam *pro accidente*, aut *effectu quodam morboſo* sumitur, atque in varias postmodum species a Pathologis dispescitur; sed unica tantum & quidem ultima nobis heic loci arridet acceptio. Per naturalem enim humorem, Melancholiæ vocabulo indigitatum, superioribus seculis pars crassior Massæ sanguineæ è chylo proveniens, & vel in Hepate, vel in Liene secretus, communiter denotabatur, cujus in locum nunc modernorum aliqui liquorem Pancreatis limpidum, sive ita dictum *Succum Pancreaticum* substituunt, eumque corruptum, imprimis acidiozem, corrosivum ac

simul lentum & viscidum redditum *atræ bilis* aut *melancholiæ præternaturalis* titulo insigniunt, licet *Antiquiores* proprie viscidiorum illum sanguinem hepaticum, vel splenicum, in quantitate & qualitate depravatum, quem *Antonid. van der Linden Meletem. Medic. Hippocr. Libr. III. §. 45.* *Limosum* istud sanguinis a consuetâ sua crâsi ita degenerans, ut *atram bilem* refert, sub ultimis hisce vocabulis ordinariè intellexerint.

§. II.

Quodsi vero ex nostra mente *Melancholia* pro morbo quodam accidente sumatur, tunc juxta Veteres pariter ac Recentiores Medicos ordinariè vel in *latiori*, vel in *strictiori* sensu accipitur; *Latius* enim usurpatum illud vocabulum quodlibet *delirium* sive minus, sive majus, leve aut gravius illud fuerit, sub se comprehendit, & hac ratione tam de Morosi, quam Mania, Phrenitide, Lycanthropia, Misanthropia, &c. usurpari potest; in *strictiori* autem sensu non nisi depravationem rationis & Phantasie, absque febre & furore contingentem, simul vero cum metu, & tristitia, aliisque absurdis ac vanis præfigurationibus, atque conceptibus stipatam denotat, & tunc communiter vel *idiopathica* sive *essentialis*, quæ a sola mentis falsa præfiguratione dependet, nullumque plane, vel saltem non ita exactum cum causis & læsionibus materialibus commercium habet; vel *symptomatica*, seu *consensualis* existit, quæ ex consensu, & corporeis læsionibus modo Hepatis, Lienis, & plerorumque abdominis viscerum originem suam ducit, atque hinc *Melancholia hypochondriaca* audit, modo etiam ex uteri vitiis & læsionibus non tam substantialibus, quam potius for-

formalibus excitatur, eaque propter *Melancholia hysterica* seu *uterina* salutatur, quæ etiam illa proprie species est, quam in præsentibus pagellis paulo diffusiori stylo descriptam & explicatam sistere mecum decrevi.

§. III.

Differt autem ab aliis *deliriorum* speciebus hæc nostra quoad varias circumstantias, ita ut rarius, & non nisi ab imperitis tales inter se confundi queant: A *Phrenitide* enim & *Mania* discrepat inprimis ratione *symptomatum* urgentiorum, qualia in nostro affectu *metus* & *tristitia*, in priori autem i. e. *phrenitide*, *febris* exquisita *inflammatoria* cum furore perfecto, & in posteriori, sive *mania* audacia summa cum robore plane ineffabili, aliisque horrendis symptomatibus stipata, existunt; & licet interdum *Melancholia febre* quoque pro comite habeat, tamen ista tunc non ut causa, sed potius ut symptoma ejusdem respicienda est, quoniam non statim in primis harum febrium initiis, uti in *Phrenitide* observamus, occurrit, sed vel circa tempus incrementi, vel tempore decrementi illarum sua ut plurimum initia sumit.

§. IV.

Differt proinde etiam *Melancholia uterina* a *Furore uterino*, aut ita dicto *amore vesano* quoad causas. Licet enim hic pariter sit affectus imaginationis corruptæ, atque facile tandem in *Melancholiam* & *Maniam* transeat, sicque multam, præprimis ratione partis affectæ cum præsentis morbo connexionem habeat, tamen ob amorem excedentem & sæpissime stolidum, qui primariam pro eo excitando occasionem suppeditat, & in *hysterica melancholia* nunquam plane occurrit, ab ea vel
maxi-

maxime discrepat. Ne dicam de insignioribus illis alterationibus circa motus tam vitales, quam morales ordinarie in subjectis furore tali correptis, occurrentibus, atque tunc inprimis quoad pulsum pariter, ac reliquas actiones perfecte observandis, quando personæ proprie ita dilectæ subito alii recordantur, de quibus singulis nihil plane sub nostro affectu occurrere solet.

§. V.

Porro distinguitur quoque præsens hæc *Melancholia* a *Morosi* seu *Fatuitate* & *Misanthropia* maxime quoad *signa*: Fatui enim & Misanthropi timorem atque tristitiam cum Melancholicis hisce subjectis quidem communes habent, sed multo vehementiores communiter in illis observantur, ita ut perfecte taciturni reddantur, & solitudinem non solum quærant, sed & consortium omnium hominum summa anxietate fugiant, memoriam cum ratione amittant, & si etiam quicquam proferant, non nisi incomposita effutiant, in quibus primum nihil commune habet cum secundo, juxta observationem GRÜNLINGII *Medic. Pract. Lib. 1. Part. 1. p. 25.* & FORESTI *Observ. Med. lib. X. observ. 31. in Schol.* Contra vero Melancholicæ tales, licet etiam loca solitaria pariter sibi magis feligant, socialitatem hominum non ita extreme averfantur, nec etiam adeo incondita loquuntur, sed utplurimum de æterna sua salute desperant, & quæ in ipsorum solatium afferuntur, plane contemnunt, sibi que appropriare pertinaciter recusant; De reliquo vero quoad memoriam, & cogitationes parum, vel nihil alterantur, aut læduntur, adeoque præ prioribus mitiori utique malo oppressi deprehenduntur.

Quod

Quod vero differentiam *Lycanthropiæ* & *Hydrophobiæ* a nostro affectu attinet, hanc ex signis illorum inter se collatis facillimo negotio erui posse confido, adeoque nec de hac, nec etiam de differentia inter *hypochondriacam*, & nostram *hystericam Melancholiam* fusius heic loci agendum esse puto, quoniam ea minoris itidem momenti est, atque diversa non nisi subjeutorum, & suppressarum excretionum conditione nititur, cujus intuitu prior virili tantum sexui, & inprimis hæmorrhoidariis, difficili ac impedito hujus excretionis successui expositis, in gradu quodammodo mitiori, posterior autem virginibus pariter ac fœminis, puerperis atque viduis, irregulari impedito aut plane suppresso mensium ac lochiorum fluxu laborantibus, & quidem in vehementiori adhuc gradu, familiaris esse observatur.

§. VI.

Ad *historiam* ergo turpissimi hujus affectus, dum ordinis gratia nunc progredior, ante omnia *subjeutorum* statum, & conditionem paulo intimius, & accuratius perlustrare, & indicare placet, ut ita veram non solum morbi indolem, sed & diversam ejusdem originem exinde tanto facilius cognoscere & dijudicare queamus. Varia igitur variæ ætatis, & constitutionis subiecta fœminina malo huic in genere obnoxia reddi, jam jam in præcedenti thesi indicatum fuit; & licet nunc pluribus Auctorum suffragiis ac testimoniis idem hoc ulterius facillime firmare possem; lubens tamen hoc negotio supersedeo, cum unicus SENNERTI locus, qui *Lib. 1. Prax. Part. II. cap. 13. p. 404.* extat, pro hoc scopo facile sufficere queat; Sic enim Vir modo laudatus ibidem scribit:

Malum hoc virginibus jam nubilibus familiare est, cum sanguis ad uterum confluens, ibique exitum quærens, talem non invenit: Deinde viduis imprimis, ob curas & mœrorem animi, in quem ob mariti obitum plerumque conjiciuntur; Ut & aliis fœminis, quibus menses aut post partum purgationes ex aliqua causa evidente non recte fluunt, & (quæ uberioris tantum declarationis ergo hisce superaddere lubet,) quibus præter temperamentum strictius seu Melancholicum, insimul vitæ genus otiosum præ laborioso, & lautum præ temperante, magis arridet, atque animus speculationibus, & profundioribus meditationibus nimium deditus a multo jam jam tempore iisdem assuetus est.

§. VII.

Solet autem tale delirium in ejusmodi subjectis communiter ab initio lentis admodum gradibus fundamenta sua ponere, & nonnisi successive invalescere, donec tandem post diuturniorem moram perfecte erumpat, ac perniciosam suam indolem cum ordinariis atque consuetis signis prodatur; hinc post prægressam antea mensium vel lochiorum notabilem imminutionem, aut plenariam suppressionem *consueta* ut plurimum experiuntur *pathemata hysterica*, cum depravatione appetitus in perfectam tandem nauseam, & plenariam ciborum aversionem degenerante: Accedunt molesta abdominis intumescencia cum crebrioribus e ventriculo prorumpentibus ructibus, oppletio pectoris, respiratio difficilior, & immensæ præcordiorum anxietates suffocationem repentinam quasi inferentes; concurrunt agrypnia fere continuæ, dolores graviores cepha-

pha-

phalalgici, maxime iliaco-hæmatitici, somnus brevis, & lusciniæ somno brevior, atque terrificis insomniis nimium turbatus, alvus redditur inconstans, aut plane sicca, urina, quæ excernitur, pauca admodum, & simul crassa & turbida est, facies impallescit, marcescit, & colorem ex livido-fuscum induit, statumque cacoehymicum ex impedito imprimis se- & excretionum ordinariarum progressu enatum, sic satis experte prodit.

§. VIII.

Eximias igitur & fonticas hæc functionum corporis vitalium alterationes excipiunt denique etiam moralium actionum turbationes, & confusiones, quæ ipsam hanc Melancholiæ speciem postmodum exactius produnt; hinc incipiunt anxiiis, atque terrificis cogitationibus infestari, & de peccatorum suorum mole, ac difficillima, aut fere impossibili illorum remissione, absque ullo tamen ordine verba profundere: Prorumpunt etiam frequenter in lachrymas, maxime si in solitudine se videant, quam propterea sæpius quærunt, & nimium æstimant, quanquam sub his circumstantiis consortium aliorum hominum sæpe non æque in totum fugiant, sed pariter quoque data occasione adhuc admittant, donec tandem *Timor* ac *Tristitia* perfecta, ceu universales illi characteres, & infallibiles Melancholiæ testes superveniant, de quibus suo jam tempore magnus noster HIPPOCRATES *Sect. VI. Aphorism. 23.* enunciavit, quod, si diu ac nimis longo tempore perseverent, semper Melancholiæ signa constituent. Tunc vero perturbatæ tales ægrotæ communiter tædio vitæ afficiuntur, mortem crebrius exoptant, rarius tamen

vel nunquam sibi illam consciscunt, licet etiam cibum per multos dies recusent, & ad illum capiendum nullo prorsus modo disponi se sinant: Suspiciantur ut plurimum servos, atque præfectos adesse, qui ipsas tanquam de pessimo crimine accusatas, ad carceres & vincula deducere intenderent; quin imo! ob peccata commissa se coram judicio divino jam jam damnatas esse vociferantur, nec ullam spem salutis æternæ sibi superesse, concedere, aut credere volunt, sicque miseram hancce vitam continuo ita protrahunt, donec tandem concurrente speciali gratia divina, iterum in totum abinde liberentur, aut per mortem tamdiu expectatam, ac desideratam ex hac vita ad aliam evocentur, & transferantur.

§. IX.

Quantum vero ad *ætiologiam*, & in primis genuinam hujus mali sedem attinet, eam utique primario in *utero*, & partibus ipsi connexis, secundario autem in *animo* inquirendam, & ponendam esse duco. Ex utero enim, tanquam ex Pandoræ Pyxide, plurima & fere innumera tum reliquo corpori nimium perniciofa, tum ipsam quoque mentis arcem oppugnantia mala, atque symptomata prodire, in concessio & confesso est apud plerosque Pathologorum, adeo, ut ipse etiam HIPPOCRATES noster illum sexcentarum ærurnarum Autorem appellare non dubitaverit. Sic enim Epilepsiam, & motus gravissimos convulsivos ex utero sæpissime originem suam habere, testatur RODERIC. a CASTRO *de Morb. Mul. Lib. II. Sect. I. cap. 2.* idemque satis confirmant RIVIERUS *Cent. II. obs. 31.* TIMÆVS a GULDENKLEE *Cas. Medicinal.*

*nal. Lib. I. pag. 27. HORSTIVS Part. II. de Morb. mul. Lib. I. observ. 48. aliique. Sic ex uteri, & ejus contentorum vitio, speciale illud delirium, cum immani Veneris appetitu conjunctum, conjugatis pariter ac innuptis subinde eveniens, & sub titulo Furoris uterini satis jam jam cognitum, excitari, demonstrent exempla a FELICE PLATERO Obs. Lib. I. p. 81. HORSTIO Lib. II. de morb. cap. obs. 14. p. III. & HARVEJO Exercit. de partu pag. 510. recensita. Aliarum miseriarum in sexum sequiorem ex hoc fonte fluentium, & redundantium meminere alii, ut propterea mirum haud sit, si & insolitæ tales mentis aberrationes, quales *Melancholia nostra hysterica* exhibet, pariter ex eodem fundamento deriventur, & deducantur.*

§. X.

Quando igitur circa uterum, sæpius hætenus allegatum, sanguis particulis suis laudabilibus, & subtilioribus sub circulatione & nutritione antea exutus, quem alias ordinarie per menstruas, ac lochiales purgationes consueto suo tempore evacuari novimus, subsistit & stagnat, & quidem vel ob præmaturam, & nimiam orificii uteri constrictionem, vel ob vasorum venosorum liberum humoribus transitum concedentium angustiam, vel depravatam ipsius sanguinis mixtionem, & qualitatem, tunc communiter primam hujus mali tragœdiam ibidem incipit, inceptam postmodum humoribus, partibus vicinis, & successive pluribus aliis communicat, functiones non solum vitales, sed & morales graviter turbat, impedit, & alterat, sicque prima pro introducendo proxime subsequente delirio, fundamenta ponit. Quantum enim impeditior, aut plane sup-

pressus mensium, & lochiorum fluxus ad genesin affectuum hypochondriaco-hysteri-
corum conferant, in propatulo jam jam est, siquidem, ut nihil plane dicam
de conspiratione Venæ Portæ cum utero per ramulos quosdam ex hæmorrhoidali vena ad cervicem, aut vaginam ipsius transeuntes, qua alias plura circa hoc negotium occurrentia phænomena pulchre explicari possunt, ordinarie deprehendimus, quod præternaturalis ista sanguinis retentio, ob lentum nimis humorum progressum semper aliqualem eorundem *crassitiem*, atque spissitudinem post se trahat, quæ postmodum nullibi in toto corpore facilius læsiones inducere valet, quam in hac ipsa Venâ Portæ, ob mechanicam plane ejusdem ad hæc mala dispositionem.

§. XI.

Quoniam vero idem illud corporis nostri principium, quod cogitat, insimul quoque actus omnes vitales administrat, adeoque perfectam inter utrosque illos actus harmoniam observat, idcirco haud mirum est, quod illud ex impedito sanguinis per Venam Portæ & visera cum eadem connexa progressu, atque stagnationem talem expediendi, & tollendi difficultate, imo de expectandis postmodum partium corruptionibus, & metuenda exinde universi sui corporis destructione, sollicitudinem quandam capiat, & ex hac occasionem nanciscatur, parem quoque in rationali suo actu angustiam, parem metum, & paria obstacula sibi præfigurandi, timori, atque tristitiæ magis magisque indulgendi, anxias & desperebundas cogitationes sibi formandi, ac denique perfectam talem *Melancholiam*, quam propterea *hystericam* vocare placet, introducendi.

§. XII.

§. XII.

Non solum autem in formanda hac turbarum hystericarum & melancholicarum tragœdia subsistunt retentæ, atque suppressæ illæ sanguineæ excretiones, sed cum per ordinarias vias prodire nequeant, insolitas & extraordinarias propterea quærunt, & quidem primotales, quæ consueto ipsarum emunctorio, nempe *utero*, proximiores sunt, eamque ob causam tantos, & tam varios circa abdominis viscera spasmos, & cruciatus moliminibus eluctatoriis, pressoriis, atque tensivis stipatos excitant; Si vero propositum ibidem non obtineant finem, tunc ad remotiora magisque diffidia, quibus alias pro excernendo sanguine superfluo usa fuit Natura, ultro transeunt, atque varias superiorum locorum hæmorrhagias, narium nempe, pulmonum, aut ventriculi promovere, & excitare intendunt, sicque tandem ob congestum seu translatum ad has partes sanguinem, & causatam exinde subtilium membranarum distensionem, varios dolores, stagnationes, stases, inflammationes, *cephalalgias*, artuum & scapularum imprimis tensiones, ac compressiones, *respirationis difficultatem*, præcordiorum anxietatem ad *suffocationem* ferre excrescentem, lassitudinem totius corporis, speciatim vero extremitatum, & plura alia mala, sub diversis plane schematibus sese sistentia producunt.

§. XIII.

Quod reliqua tandem in *historia* recensita, & adducta phœnomena attinet, & quidem ex *moralibus*, insolitum illud *moriendi* desiderium, ac de salute æterna *desperationem*, talia non nisi ex errore phantasie, falsam
pec-

peccatorum, eorumque poenarum ideam Animæ re-
præsentantis, resultare juduco; in *vitalibus* autem ap-
petitus depravationem, & ciborum aversionem partim mo-
ralis ista anxietas, partim quoque variæ in ventriculo
productæ cruditates, & impuritates viscidæ causantur;
intumescunt abdominis flatulentia, & sanguinis simul
ex prægressa mensium suppressione regurgitatio & re-
stagnatio inducunt, *agrypniam*, & *somnum interruptum*,
ac nimis brevem perpetua animi semper meditabundi,
ac tristioris inquietudo concitat; *alvi segnitiam* ex par-
te motus intestinorum peristalticus, ob stagnantem in
vasis mesaraicis sanguinem crassiores, impeditus, ex
parte vero cibationis neglectus atque defectus post se
trahunt, ex quibus etiam *macies*, & *coloris vividi in palli-
dum & luridum conversio* ob suspensam inprimis chylosin
prognascuntur.

§. XIV.

Exinde nunc satis exacte liquet, quod *causa antece-
dens remota* nostri affectus in depravata, aut ratione
temperamenti, connata sanguinis spissitudine; *causa
propinquior* in mensium aut lochiorum imminutione,
vel suppressione, & denique *causa immediata* seu *proxima*
in phantasiæ corruptione, & actionum moralium con-
fusionem consistat; causam vero efficientem partim læ-
sus, & impeditus sanguinis per Venam Portæ progres-
sus, partim etiam ipsum principium vitale nimium sen-
sibile, atque sollicitum, eaque propter ad suscipiendas
extraordinarias tales alterationes vel maxime disposi-
tum exhibeat.

§. XV.

Inter causas procatacricas tandem primum utique locum sibi vendicat *temperamentum melancholicum*, quippe quod ob diffidentiam, meticulositatem de futuro rerum successu & eventu, suspensionem obstaculorum, sollicitudinem, anxietatem, ac trepidationem ad tales animi fluctus, atque luctus præ reliquis proclivius existit, eaque propter urgentibus etiam minimis calamitatibus statim desperat, & concurrente doloris causa hanc ita firmiter animo impressam tenet, ut nullis fere mediis iterum ejici, & dispelli queat. Deinde etiam causis istis accenseri meretur specifica subjectorum constitutio quoad *ætatem*, dum ea, quæ *consistentis* ætatis sunt, juxta observationem GALENI in *Comment. ad Aphorism. 30. Sect. III.* ad generandam & fovendam *Melancholiam* præ ceteris semper aptiora magis & disposita esse observantur. Porro huc pertinet *sexus* inprimis *fœmininus*, tanquam debiliior & timidior, eaque propter, teste *experientia*, in tale delirium pronior. Succedit huic *vitæ genus* otiosum, sedentarium, speculabundum, sanguinis non solum quantitatem nimium adaugens, sed & mixtionem, ac qualitatem ejusdem præter solitum depravans, hinc ut plurimum infima fex populi, laboribus & operis assidue incumbens, corpus motibus fortioribus quotidie exercens, & nullam vel rarissimam cum affectibus pugnam suscipiens, ab hoc malo perfecte liberavit, dum alii e contra in his circumstantiis forsitan peccantes, ab eodem facillime infestantur. Tandem quoque *errores & vitia rerum Non-naturalium* pariter huc referri merentur, & quidem ratione *aeris*,

C

tem-

tempestas perpetuo pluviosa, nebulosa, frigida, hybernalis, ut & commoratio frequens & diuturna in locis paludosis, nimium humidis, & sub athmosphæra craffiori; ratione *cibi & potus*, circa quos inprimis nullis fere regulis sese adstringi patiuntur mulieres, dyspepta, acida, salita, fumo indurata, chylum plerumque minus laudabilem, crassum, & viscidum ad sanguinem mittentia, nec non potulenta turbida, spissa, fæculenta, subacida, inprimis frigida, modo successivam, modo etiam repentinam sanguinis spissitudinem excitantia; somnus itidem justo parcior, aut frequenter interruptus, qui communiter universam massam humorum tam quoad mixtionem, quam quoad motum graviter alterare, sicque tandem totam œconomiam animalem mirum in modum offendere solet. Taceo lubensque prætermitto *animi pathemata*, inprimis moerorem, timorem & terrorem, quoniam per se jam cognitum est, quod Melancholia ad illorum indolem jam jam proxime accedens, occasionem tam originis, quam augmenti ab iis facillime sumere queat.

§. XVI.

Sic ergo recensita hætenus historia, & ætiologia nunc aperte demonstrant, quod MELANCHOLIA HYSTERICA sit *delirium sine febre & furore, cum timore, tristitia, variisque aliis symptomatibus stipatum, ex sanguinis menstrui vel lochialis interceptione, & hinc pendente ejusdem impetuosæ versus V.P. restagnatione atque connexa simul spissitudine, phantasie & imaginationis depravationem tandem inferente, causatum, atque productum.*

§. XVII.

§. XVII.

Quoad *Prognosin* truculenti hujus affectus, imprimis autem futurum salutarem ejusdem eventum, rarissime boni quicquam ominari licet, præprimis cum jam pridem GALENVS dixerit, quod vix aliqua deliratio tam tuta & periculi expers habeatur, ut non timendum sit de curatione minus, quam speratur, felici; idque confirmaverit tum ex parte læsa, nempe animo, quæ nobilissima, tum quoque ex causa, quæ fixa, & ad sanandum admodum dura est. Hinc etiam *Melancholia hysterica*, quo diutius durat, eo magis curationi reluctatur, ita ut, nisi mature terribilem hanc Hydram prostraveris, ex consensuali malo tandem certissime vel idiopathicum, vel prorsus ob succedentem inprimis majorem humorum orgasmum, periculosa haud raro propullulet *Mania*, teste magno nostro HIPPOCRATE *Sect. VI. Aphor. 56.* E contra vero tanto facilius ad salutem terminabitur idem ille Affectus, si superveniant eidem menstrua, & Lochia, aut ad minimum hæmorrhoidum fluxus, juxta tenorem *Aphorism. II. ejusd. Sect.* quippe quem loco Mensium suppressorum sæpissime salutariter fluxisse asserit GREGOR. HORSTIVS *Part. II. de Morb. Mul. observ. 5.* Confer. etiam HOLLERIUS *Tract. de morb. intern. Lib. I. cap. 17. pag. 148.* Proinde in sexu masculino & media ætate facilius semper curatur similis affectus Melancholicus, quam in foeminis, aut aliis ætatibus, teste CÆLIO AVRELIANO *cap. 6. Lib. I.* imprimis si virgines viro maturas aut viduas juniores lascivas, amore forsitan captas occupaverit: tunc enim facillimo negotio in *furorem uterinum* transit, quo semel cap-

ptæ tales ut plurimum ita firmiter detinentur, ut potius mortem feligant, quam ab illo penitus velint esse solutæ, hinc non negligenda, aut procrastinanda est hujus affectus curatio, præprimis in debilioribus subiectis, ne si inveteratus, & habitualis quasi factus fuerit, tandem plane incurabilis evadat.

§. XVIII.

Hoc enim circa *Therapiam* gravioris hujus affectus utique dolendum est, quod ob indolem ejusdem summe refractariam, maxime, ubi jam obfirmatus ille fuerit, raro perfectam promittere, aut sperare liceat medelam, inprimis si immensa medicamentorum farragine quispiam ipsum expugnandum sibi sumat, alia super alia continuo ingerat, & his tandem, si diis placet, atras ab animo dispellere curas intendat, siquidem cum BAGLIVIO in *Prax. restit. Lib. I. cap. 14. §. 7.* omnia, quæ in pharmacopoliis dicuntur *exhilarantia, antimelancholica, cor, & memoriam confortantia, ingenium excitantia*, potius ad quandam veluti pompam, quam securam affectuum dispulsionem, adinventæ, eaque propter omnes tales conatus, cum solis hujusmodi remediis negotium illud absolvendi, irritos, & plane frustraneos esse, merito suppono, simulque affirmo, quod ad talium passionum expugnationem non raro plus sane faciat Medici *sagacitas* in dirigendo ægroto, & hujus *confidentia* per blandiora Medici colloquia, intrepidamque dicendi licentiam excitata, quam decantatissima, & pomposissimis titulis ornata pharmaceutica auxilia, cum primis si non adeo grandis Massæ Sanguineæ & reliquorum humorum impuritas conjuncta sit.

§. XIX.

§. XIX.

Ne vero omnem adeoque vim, & efficaciam medicamentorum huic malo opponendorum tollere, & negare videar, brevibus quoque ea, quæ in tali casu secure, & cum effectu usurpari possunt, exponere placet. Resolvuntur autem omnia in *tres* potissimum *classēs* generales, ut nimirum I.) *depravata humorum crasis corrigatur*, & *stagnationes circa V. P.* & *uterum excitatæ aufervantur*; II.) *ut excretionēs salutares imminutæ, aut suppressæ restituantur*, & III.) *actus remissi, aut plane omissi revocentur*.

§. XX.

Priorem igitur *indicationem* absolvunt maxime duo non æque pharmaca, quam e rerum, ut vocant, Non-naturalium classe deprompta genera, nempe *Motus*, & *Potus*, quorum insignis ad revocandam sanguinis fluxilitatem efficacia ex Physiologicis jam jam satis abunde constat. Etenim auctiori illa tum singulorum musculorum, tum universi corporis agitatione, non solum motus progressivus universalis humorum magnum nanciscitur augmentum, sed removetur quoque insimul impedimentum particularis, & veluti privati illius circuli per V. P. quam inter alia innumera huic quoque malo *portam aperire*, & transitum liberiolem concedere superius jam jam demonstratum fuit. Hinc commendari merentur deambulationes frequentiores, & ascensiones montium, aliorumque locorum acclivium, ut respiratio, tanquam elater, & impulsor fluidorum per hanc venam augeatur, & sanguis hinc inde in ipsa obhærescens successive propellatur. Eandem

quoque efficaciam exerunt alii motus concussorii ob-
structiones quascunque referare idonei, quo nomine ex-
tollimus hic loci, utpote in foeminini sexus subjectis, præ-
cipue *Vecturam*, quam una cum *equitatione* alias superiori
jam seculo SYDENHAM tanquam specifica, & præ innu-
meris certissima remedia contra has & similes turbas
orbi communicare non erubuit.

§. XXI.

Ratione *potus* præstant sub hoc affectu non parum
diluentia, præcipue calida, v. g. *infusa Herbae Thee* aut
Caffee, *aliarumque herbarum*, aut *radicum aromatico-alexi-*
pharmacarum, non nimis saturata, in quibus insimul
commodissime bis, vel ter de die *Essentiæ Alexipharma-*
cæ, & *moderatæ resolventes*, v. g. *Scord. Angel. Enul. Pimp.*
alb. Succin. ad gtt. XXX. vel XL. assumi possunt. Sic et-
iam antiscorbutica consueta hic non sunt rejicienda,
modo in ordinatione *spirituum acriorum*, *Cochlear. nempe*
Nasturt. aliqua modestia adhibeatur, & eorum in lo-
cum herbae potius in substantia ordinentur. *Volatilia*
Urinosa itidem non dissuademus, quin potius illorum
spiritus, ab empyrevmate suo liberatos, cum *TRa* qua-
dam alcalina, v. g. $\ddagger ii$, ¶ i , &c. utilissimos censemus,
modo temperantia, incidentia, & inprimis Θ ia digesti-
va sedulo interponantur, & præmittantur, ut san-
guis viscidus, & lentus hac ratione tanto magis ad mo-
tum habilis, & dispositus reddatur.

§. XXII.

Alteram quod attinet *indicationem*, huic præmissis
inprimis hætenus recensitis resolventibus, & attenuan-
tibus, optime satisfieri potest per temperatiora *Emme-*
nagoga,

nagoga, atque vicarias alias sanguinis depletiones; hinc licet tempore inprimis consueto, quo alias menses fluxerunt, *Elixirium proprietatis non acidum c. Œtu Menth. vel Serpill.* paratum, singulis diebus ad *gtt. XL. aut L.* bis vel ter exhibere, aut ejus in locum temperatiores *Essentias Pimpinell. alb. Gent. r. Myrrh. Succin. Croci*, in refractiori dosi ordinare, aliaque probata menses moventia combinare, donec in pristinum ordinem restituatur lunare hocce tributum. Nec omittenda etiam est *V. S.* quam in morbis a suppressa sanguinis evacuatione oriundis magni utique existere momenti fatentur Practici Celeberrimi, inprimis si illa circa tempora æquinoctialia sedulo repetatur, & in pedibus semper ad *℥vj.* vel *℥viij.* instituatur, simulque capacior quidam ramus venosus pro impetranda majori revulsione seligatur. Quibus placet *Hirudines*, atque *Cucurbitulas vel cum, vel sine scarificatione*, furis, aut interiori femorum parti applicare, atque frictiones post præmissa pediluvia, panis asperis & calidis perficiendas, conjungere, pariter non injuste facient, quin potius eximiam quoque exinde utilitatem percipient. Quin etiam in usum simul vocanda sunt *laxantia, rhabarbarina, aliaque*, inprimis decoctum *Senn. cum Rhab. Agar. Mechoac. alb. & aliis appropriatis uterinis* compositum, ut & *Clysteres* moderate stimulant, & abstergentes, interpositis *Pilulis amaris, & balsamicis &c.*

§. XXIII.

Tertiæ tandem indicationi satisfaciunt partim *universalia*, motus vitales in genere excitantia, *analeptica, confortantia*, & vulgo ita dicta *cordialia*, quo nomine inprimis

primis *Potiones, Julapia, & Emulfiones ex Vis Antuosis, & aromaticis* v. g. *Ceras. nigr. Ros. Veron. & Cinnam. vinosis, Anhalt. Carbunc. &c.* cum *absorbentibus citratis* paratas, nec non *balsamica, gemmea, coralliata, cinnabarina, crocata*, atque *TRas veras Ores*, si modo obtineri queant, commendamus; partim etiam *particularia, speciales* tantum actus revocantia, & restituentia: Ita ad *nauseam, anorexiam, & dyspepsiam* non inefficacia erunt *Θia digestiva*, præsertim quæ ex *Acido Olico & alcali fixo* parantur, videlicet \mp *Olat. chrySTALLINUS, Arcanum dupl. probe depur.* Dum \mp *isat. & Olat.* cum absorbentibus marinis exhibita, interpositis simul aliis acidis *Olicis*, veluti *TRa Oli Stis Ludov. Stis pomat. Elix. Oli Myns. Propr. Par.* aliisque aromaticis, & tonicis; ad motum progressivum sanguinis facilitandum, & excitandum *Alexipharmaca*, & superius commendata *moderate resolventia* multum inprimis contribuent, & turbas hæc gravissimas tandem sub auspiciis divinis, pristino ordini perfecte restituent.

§. XXIV.

Quod *Dietam* attinet, tunc *cibi*, ad quos capiendos ægræ omnis generis persuasionibus invitandæ sunt, seligantur *evpepti, grati saporis, & facilioris concoctionis*; *potus* sit tenuis, non nimis feculentus, turbidus, aut eximie frigidus. *Somnus* quocunque modo promoveatur, & adjuvetur, *conceptus falsi, & erronei* dissuadeantur, & placide removeantur; *animi pathemata*, inprimis concitatio quavis ad iram, atque tristitiam intercipientur & divertantur. *Solitudo* cane & angue pejus fugiatur, ac potius *consortium letum, & amicum colloquium cum familiaribus & cognatis* instituat; ubi autem talium occasio nulla est, non nisi precibus seriis ac devotis tempus exigatur, sicque novis alias forsitan pertimescendis insultibus occasio perfecte præscindatur.

S. D. G.